

四庫全書

集部

欽定四庫全書

集部  
古樂苑卷十八  
六至

詳校官編修<sub>臣</sub>李光棟

侍讀<sub>臣</sub>孫球覆勘

總校官降調編修<sub>臣</sub>倉聖脉

校對官主事<sub>臣</sub>陳文樞

謄錄監生<sub>臣</sub>薛翰

欽定四庫全書

古樂苑卷十六

明 梅鼎祚 編

相和歌辭

平調曲

古今樂錄曰王僧虔技錄平調七曲一曰長歌  
行二曰短歌行三曰猛虎行四曰君子行五曰  
燕歌行六曰從軍行七曰鞠歌行荀氏錄所載  
十二曲傳者五曲武帝周西對酒文帝仰瞻並  
短歌行文帝秋風別日並燕歌行是其七曲  
今不傳文帝功名明帝青青並長歌行武帝吾

年明帝雙桐並猛虎行燕趙君子行左延年苦  
哉從軍行雉朝飛短歌行是也其器有笙笛筑  
瑟琴箏琵琶七種歌絃六部張永錄曰未歌之  
前有八部絃四器俱作在高下遊弄之後凡三  
調歌絃一部竟輒作送歌絃今用器又有大歌  
絃一曲歌大婦織綺羅不在歌數唯平調有之  
即清調相逢狹路間道隘不容車篇後章有大  
婦織綺羅中婦織流黃是也張錄云非管絃音  
聲所寄似是命笛理絃之餘王  
錄所無也亦謂之三婦豔詩

## 長歌行

樂府解題曰古辭言芳華不久當努力  
為樂無至老大乃傷悲也魏改奏文帝

所賦西山一何高崔豹古今注長歌短歌言  
人壽命長短各有定分不可妄求按古詩云  
長歌正激烈魏文帝燕歌行云短歌微吟不  
能長晉傳玄豔歌行云吐來長歌綺短歌然

則歌聲有長短  
非言壽命也

古辭

青青園中葵，朝露待日晞。  
陽春布德澤，萬物生光輝。  
常恐秋節至，焜黃華葉衰。  
百川東到海，何時復西歸？  
少壯不努力，老大徒傷悲。

同前

滄浪詩評云：文選長歌行一首，青青園中葵，郭茂倩樂府有兩篇，次乃仙人騎白鹿，子疑岩宮山上亭以下，其義不同，當別是一首。

古辭

仙人騎白鹿，髮短耳何長。  
導我上太華，攬之獲赤幢。  
來到主人門，奉藥一玉箱。  
主人服此藥，身體一日康。  
彊髮

白更黑延年壽命長

岩岩山上亭皎皎雲間星遠望使心思遊子戀所生驅  
車出北門遙觀洛陽城凱風吹長棘天天枝葉傾黃鳥  
飛相追咬咬弄音聲竚立望西河泣下沾羅纓

藝文類聚載魏

文帝明津詩與此大同而逸其半

同前

魏明帝

靜夜不能寐耳聽衆禽鳴大乘育孤兎高墉多鳥聲壤  
宇何寥廓宿屋邪草生中心感時物撫劍下前庭翔伴

於階際景星一何明  
仰首觀靈宿北辰  
奮休榮哀彼失  
羣燕喪偶獨煢煢  
單心誰與侶造房  
孰與成徒然喟有  
和悲慘傷人情  
余情偏易感懷往  
增憤盈吐吟音不  
徹  
泣涕沾羅纓

撫劍下前庭藝文  
作攬衣下閒庭

同前

晉傳玄

利害同根源賞下有甘鉤  
義門近缺塘獸口出通侯  
撫劍安所趨蠻方未順流  
蜀賊阻石城吳寇馮龍舟  
二軍多壯士聞賊如見讐  
投身効知己徒生心所羞  
鷹隼厲

天翼耻與燕雀遊成敗在縱者無令鷙鳥憂

同前

陸機

逝矣經天日悲哉帶地川寸陰無停晷尺波徒自旋  
年往迅勁矢時來亮急絃遠期鮮克及盈數固希全容華  
夙夜零體澤坐自捐茲物苟難停吾壽安得延俛仰逝  
將過倏忽幾何閒慷慨亦焉訴天道良自然但恨功名  
薄竹帛無所宣迨及歲未暮長歌乘我閒

徒自一作豈  
徒迅一作信

同前

宋謝靈運



倏燦夕星流，昱奕朝露團。  
粲粲烏有停，泫泫豈暫安。  
徂齡速飛電，頽節驚驚湍。  
覽物起悲緒，顧己識憂端。  
朽貌改鮮色，悴容變柔顏。  
變改苟催促，容色烏盤桓。  
疊疊衰期迫，靡靡壯志闌。  
既慙臧孫慨，復愧楊子歎。  
寸陰果有逝，尺素竟無觀。  
幸賒道念戚，且取長歌歡。

同前

梁元帝

當壚擅旨酒，一卮堪十千。  
無勞蜀山鑄，扶授采金錢。  
人生行樂爾，何處不留連。  
朝為洛生詠，夕作據梧眠。  
忽茲

忘物我優遊得自然

授一作受

同前

二首後一作鮑照

沈約

連連舟壑改微微市朝變來功嗣往迹莫武祖升彥局  
塗頓遠策留懽限奔箭拊威狀驚瀾循休擬回電歲去  
芳願違年來苦心薦春貌既移紅秋林豈停蒨一倍茂  
陵道寧思柏梁宴長戢兔園情永別金華殿聲徽無惑  
簡丹青有餘絢幽籥且未調無使長歌倦

限一作恨

春隰萋綠柳寒墀積皓雪依依往紀盈霏霏來思結思

結纏歲晏曾是掩初節初節曾不掩浮榮逐弦缺弦缺  
更圓合浮榮永沈滅色隨夏蓮變態與秋霜耄道迫無  
異期賢愚有同絕銜恨豈云忘天道無甄別功名識所  
職竹帛尋摧裂生外苟難尋坐為長歎設

鰕鮒篇

一曰鰕鮒篇樂府解題曰  
曹植擬長歌行為鰕鮒

魏陳思王植

鰕鮒遊潢潦不知江海流燕雀戲藩柴安識鴻鵠遊世  
事此誠明大德固無儔駕言登五岳然後小陵丘俯觀

上路人勢利惟是謀讐高念皇家遠懷柔九州撫劍而  
雷音猛氣縱橫浮汎徒嗷嗷誰知壯士憂

短歌行

二首六解古今樂錄曰王僧虔技錄云  
短歌行仰瞻一曲魏氏遺今使節朔奏

樂魏文製此辭自撫箏和歌歌者云貴官彈  
箏貴官即魏文也此曲聲製最美辭不可入  
宴樂樂府解題曰短歌行魏武帝對酒當歌  
人生幾何晉陸機置酒高堂悲歌臨觴皆言  
當及時  
為樂也

魏武帝

對酒當歌人生幾何譬如朝露去日苦多

一解慨當以慷

憂思難忘以何解愁唯有杜康

二解

青青子衿悠悠我心

但為君故沈吟至今三解明明如月何時可掇憂從中來

不可斷絕四解呦呦鹿鳴食野之苹我有嘉賓鼓瑟吹笙

五解山不厭高水不厭深周公吐哺天下歸心六解右

奏所  
一曲晉樂

對酒當歌人生幾何譬如朝露去日苦多慨當以慷憂  
思難忘何以解憂唯有杜康青青子衿悠悠我心呦呦  
鹿鳴食野之苹我有嘉賓鼓瑟吹笙明明如月何時可  
掇憂從中來不可斷絕越陌度阡枉用相存契濶談讌

心念舊恩月明星稀烏鵲南飛繞樹三匝何枝可依山

不厭高海不厭深周公吐哺天下歸心

右一曲本辭多越陌八句

對酒當歌人生幾何譬如朝露去日苦多明明如月何時可掇憂從中來不可斷絕月明星稀烏鵲南飛繞樹三匝無枝可依山不在高水不在深周公吐哺天下歸心

右藝文所載歐陽詢去其半猶為簡當語完而意足也今附錄

同前 六解

武帝

周西伯昌懷此聖德三分天下而有其二脩奉貢獻臣節不墜崇侯讒之是以拘繫

一解後見赦原賜之斧鉞得

使征伐為仲尼所稱達及德行猶奉事殷論叙其美

二解

齊桓之功為霸之首九合諸侯一匡天下一匡天下不

以兵車正而不譎其德傳稱

三解

孔子所歎并稱夷吾民

受其恩賜與廟祚命無下拜小白不敢爾天威在顏咫尺

尺

四解

晉文亦霸躬奉天王受賜珪瓚鉅鬯彤弓盧弓矢

千虎賁三百人

五解

威服諸侯師之者尊八方聞之名亞

齊桓河陽之會詐稱周王是以其名紛葩

六解

右一曲晉樂所奏

同前

魏文帝

仰瞻帷幙俯察几筵其物如故其人不存一解神靈倏忽

棄我遐遷靡瞻靡恃泣涕連連二解呦呦遊鹿銜草鳴麕

翩翩飛鳥挾子巢棲三解我獨孤煢懷此百離憂心孔疚

莫我能知四解人亦有言憂令人老嗟我白髮生一何早

五解長吟永歎懷我聖考曰仁者壽胡不是保六解一曲魏樂

所奏者  
宋書作曰

同前

魏明帝

翩翩春燕端集余堂陰匿陽顯節運自常厥貌淑美女



衣素裳歸仁服德唯雄  
頡頏執志精專潔行馴良  
銜土繕巢有式宮房不規  
自圓無矩而方

同前

晉傅玄

長安高城層樓亭亭干雲  
四起上貫天庭蜉蝣何整  
行如軍征蟋蟀何感中夜  
哀鳴虬蜉愉樂聚聚其榮  
寤寐念之誰知我情昔君  
視我如掌中珠何意一朝  
棄我溝渠昔君與我如影  
如形何意一去心如流星  
昔君與我兩心相結何意  
今日忽然兩絕

同前

陸機

置酒高堂悲歌臨觴人生幾何逝如朝霜時無重至華  
不再揚蘋以春暉蘭以秋芳來日苦短去日苦長今我  
不樂蟋蟀在房樂以會興悲以別章豈曰無感憂為子  
忘我酒既旨我有既臧短歌可詠長夜無荒

同前

梁張率

君子有酒小人鼓缶乃布長筵式宴親友盛壯不留容  
華易朽如彼槁葉有似過牖往日莫淹來期無久秋風

悴林寒蟬鳴柳悲自別深懼由會厚豈云不樂與子同  
壽我酒既盈我肴伊臯短歌是唱孰知身後

同前

周徐謙

窮通皆是運榮辱豈關身不願門前客看時逢故人  
意氣青雲裏典朗煙霞外不羨一囊錢唯重心襟會

同前

隋辛德源

馳射罷金溝戲笑上雲樓少妻鳴趙瑟侍妓轉吳謳杯  
度浮香滿扇舉細塵浮星河耿涼夜飛月豔新秋忽念

奔駒促彌欣執燭遊

銅雀臺

一曰銅雀妓鄴都故事魏武帝遺命諸子曰吾死之後葬於鄴之西岡上與西

門豹祠相近無藏金玉珠寶餘香可分諸夫人不命祭吾妾與伎人皆著銅雀臺臺上施六尺牀下總帳朝脯上酒脯粢糒之屬每月朝十五輒向帳前作伎汝等時登臺望吾西陵墓田故陸機弔魏武帝文曰揮清絃而獨奏薦脯糒而誰嘗悼總帳之冥漠怨西陵之茫茫登雀臺而羣悲佇美目其何望按銅雀臺在鄴城建安十五年築其臺最高上有屋一百二十間連接棖棟侵徹雲漢鑄大銅雀置于棖頭舒翼奮尾勢若飛動因名為銅雀臺樂府解題曰後人悲其意而為之詠也

集云同謝諮議詠銅  
雀臺郭本作銅雀伎

齊謝朓

總帷飄井幹  
罇酒若平生  
鬱鬱西陵樹  
詎聞歌吹聲  
芳襟染淚迹  
嬋娟空復情  
玉座猶寂寞  
況乃妾身輕

同前

陳張正見

淒涼銅雀晚  
搖落暮田通  
雲慘當歌日  
松吟欲舞風  
人疏瑤席冷  
曲罷總帷空  
可惜年將汨  
俱盡望陵中

同前

荀仲舉

高臺秋色晚  
直望已悽然  
况復歸風便  
松聲入斷絃  
淚

逐梁塵下心隨團扇捐誰堪三五夜空對月光圓

銅雀妓

梁何遜

秋風木葉落蕭瑟管絃清望陵歌對酒向帳舞空城寂  
寂簷宇曠飄飄帷幔輕曲終相顧起日暮松柏聲

同前

劉孝綽

雀臺三五日歌吹似佳期定對西陵晚松風飄素帷危  
絃斷復續賤妾傷此時何言留客袂翻掩望陵悲

歌一作絃

復續一作更接賤妾傷此時一作心傷於此時何一作誰翻一作還

同前

江淹

武皇去金閣英威長寂寞  
雄劍頓無光雜佩亦銷爍  
秋至明月圓風傷白露落  
清夜何湛湛孤燭映蘭幙  
撫影愴無從惟懷憂不薄  
瑤色行應罷紅芳幾為樂  
徒登歌舞臺終成樓蟻廓

銅雀悲

齊謝朓

落日高城上餘光入總帷  
寂寂深松晚寧知琴瑟悲

置酒高堂上

一作置酒  
高樓上

宋孔欣

置酒宴友生高會臨疎樾芳俎列嘉肴山罌滿春青廣  
樂充堂宇絲竹橫兩楹邯鄲有名倡承閒奏新聲八音  
何寥亮四座同歡情舉觴發湛露銜杯詠鹿鳴觴謠可  
相娛揚解意何榮顧歡來義士暢哉矯天誠朝日不夕  
盛川流常宵征生猶懸水溜死若波瀾停當年貴得意  
何能競虛名

當置酒

陸機集  
載此誤

梁簡文帝

置酒宴佳賓矚迥臨飛觀絕嶺隔天餘長嶼橫江半日



色花上綺風光水中亂三益既歲終四始方蔥朮

猛虎行

古辭

飢不從猛虎食暮不從野雀棲野雀安無巢游子為誰  
驕

同前

魏文帝

與君媿新歡託配於二儀充列於紫微升降焉可知梧  
桐攀鳳翼雲雨散洪池

同前

王僧虔伎錄曰荀錄載  
明帝雙桐一篇今不傳

明帝

雙桐生空井枝葉自相加通泉浸其根玄雲潤其柯上  
有雙棲鳥交頸鳴相和何意行路者秉九彈是窠

闕

同前

晉陸機

渴不飲盜泉水熱不息惡木陰惡木豈無枝志士多苦  
心整駕肅時命杖策將遠尋飢食猛虎窟寒棲野雀林  
日歸功未建時往歲載陰崇雲臨岸駭鳴條隨風吟靜  
言幽谷底長嘯高山岑急弦無懦響亮節難為音人生  
誠未易曷云開此襟眷我耿介懷俯仰愧古今

同前

二首後首郭  
本無名氏

宋謝惠連

貧不攻九疑玉倦不憇三危峰九疑有感號三危無安  
容美物標賢用志士厲奇蹤如何祇遠役王命宜肅恭  
伐鼓功未著振旅何時從

猛虎潛深山長笑自生風人謂客行樂客行苦心傷

雙桐生空井

梁簡文帝

季月對桐井新枝雜舊株晚葉藏栖鳳朝花拂曙烏還

看西子照銀牀繫轡轡

西一作  
雅

君子行

又有君子有所思  
行辭行與此不同

古辭

君子防未然不處嫌疑間  
爪田不納履李下不正冠  
嫂叔不親授長幼不比肩  
勞謙得其柄和光甚獨難  
周公下白屋吐哺不及餐  
一沐三握髮後世稱聖賢

曹植集  
亦載此

同前

晉陸機

天道夷且簡人道險而難  
休咎相乘躡翻覆若波瀾  
去疾苦不遠疑似實生患  
近火固宜熱履冰豈惡寒  
掇蜂滅天道拾塵惑孔顏  
逐臣尚何有棄友焉足歎  
福鍾恒

有兆禍集非無端天損未易辭人益猶可歡朗鑒豈遠  
假取之在傾冠近情苦自信君子防未然

同前

梁簡文帝

君子懷琬琰不使涅塵淄從容子雲閣寂寞仲舒帷多  
謝悠悠子管窺良可悲

同前

沈約

良御惑燕楚妙察亂澠淄隄傾由漏壤垣隙自危基罽  
途或妄踐黨義勿輕持

同前

戴嵩

畫野依德星開鄧對廡水接越稱交讓連樹名君子數  
非唯二失升階無三止探甑不疑塵正冠還避李寄言  
遂伯玉無為嗟獨恥

燕歌行

七解 樂府解題晉樂奏魏文帝秋風  
別日二曲言時序遷換行役不歸婦人

怨曠無所訴也廣題言良  
人從役於燕而為此曲

魏文帝

秋風蕭瑟天氣涼草木搖落露為霜

一解羣燕辭歸鴈南

翔念君客遊多思腸

二解慊慊思歸戀故鄉君何淹留寄

他方

解三

賤妾煢煢守空房憂來思君不敢忘

解四

不覺淚

下沾衣裳援瑟鳴絃發清商

解五

短歌微吟不能長明月

皎皎照我牀

解六

星漢西流夜未央牽牛織女遙相望爾

獨何辜限河梁

七解

作鵲多思腸一作思斷腸瑟作琴

鴈宋書

同前

六解

前人

別日何易會日難山川悠遠路漫漫

解一

鬱陶思君未敢

言寄書浮雲往不還

解二

涕零雨面毀形顏誰能懷憂獨

不歎

解三

耿耿伏枕不能眠披衣出戶步東西

解四

展詩清

歌聊自寬樂往哀來摧心肝悲風清厲秋氣寒羅帷徐

動經秦軒

五解

仰戴星月觀雲間飛鳥晨鳴聲氣可憐留

連顧懷不自存

六解

右一曲晉樂所奏書一作聲形一作容心一作肺戴一作首鳥一作

鶴自一作能

別日何易會日難山川悠遠路漫漫鬱陶思君未敢言

寄聲浮雲往不還涕零雨面毀容顏誰能懷憂獨不歎

展詩清歌聊自寬樂往哀來摧肺肝耿耿伏枕不能眠

披衣出戶步東西仰看星月觀雲間飛鶴晨鳴聲可憐



留連顧懷不能存

右一曲  
本辭

同前

魏明帝

白日晼晼忽西傾  
霜露慘悽塗階庭  
秋草捲葉摧枝莖  
翩翩飛蓬常獨征  
有似遊子不安寧

同前

晉陸機

四時代序逝不追  
寒風習習落葉飛  
蟋蟀在堂露盈墀  
念君遠遊恒苦悲  
君何緬然久不歸  
賤妾悠悠心無違  
白日既沒明燈輝  
夜禽赴林匹鳥棲  
雙鳴闌闌宿河渚

憂來感物淚不晞非君之念思為誰別日何早會來遲

逝一作遠遲一作惜遠一作  
客夜一作寒別日一作日別

同前

宋謝靈運

孟冬初寒節氣成悲風入閨霜依庭秋蟬噪柳燕棲楹  
念君行役怨邊城君何崎嶇久徂征豈無膏沐感鵲鳴  
對君不樂淚沾纓闥牕開幌弄秦箏調絃促柱多哀聲  
遙夜明月鑒帷屏誰知河漢淺且清展轉思服悲明星

同前

謝惠連

四時推遷迅不停三秋蕭瑟葉解輕飛霜被野鴈南征  
念君客遊羈思盈何為淹留無歸聲愛而不見傷心情  
朝日潛輝華燈明林鵲同棲渚鴻并接翮偶羽依蓬瀛  
仇依旅類相和鳴余獨何為志無成憂緣物感淚沾纓

同前

梁元帝

燕趙佳人本自多遼東少婦學春歌黃龍戍北花如錦  
玄兔城南月似娥如何此時別夫婿金羈翠眊往交河  
還聞入漢去燕營怨妾愁心百恨生漫漫悠悠天未曉

遙遙夜夜聽寒更自從異縣同心別偏恨同時成異節  
橫波滿臉萬行啼翠睂暫斂千重結並海連天合不開  
那堪春日上春臺唯見遠舟如落葉復看遙舸似行杯  
沙汀夜鶴嘯羈雌妾心無趣坐傷離翻嗟漢使音塵斷  
空傷賤妾燕南垂

南一作前

同前

蕭子顯

風光遲舞出青蘋蘭條翠鳥鳴發春洛陽梨花落如雪  
河邊細草細如茵桐生井底葉交枝今看無端雙燕離

五重飛樓入河漢九華閣道暗清池遙看白馬津上吏  
傳道黃龍征戍兒明月金光徒照妾浮雲玉葉君不知  
思君昔去柳依依至今八月避暑歸明珠蠶繭勉登機  
鬱金香蘂持香衣洛陽城頭雞欲曙丞相府中烏未飛  
夜夢征人縫狐貉私憐織婦裁錦緋吳刀鄭錦絡寒閨  
夜被薄芳年海上水中鳧日暮寒夜空城雀

徒一作從  
持一作特

同前

北史本傳曰袁仕梁時作燕歌妙盡塞北  
苦寒之言元帝及諸文士和之而親為懷

切及江陵為魏師所  
破元帝出降方驗焉

周王褒

初春麗日鶯欲嬌桃花流水沒河橋  
薔薇花開百重葉楊柳拂地散千條  
隴西將軍號都護樓蘭校尉稱嫖姚  
自從昔別春燕分經年一去不相聞  
無復漢地長安月唯有漢北薊城雲  
淮南桂中明月影流黃機上織成文  
充國行軍屢築營陽史討遠陷平城  
城下風多能却陣沙中雪淺距停兵  
屬國少婦猶年少羽林輕騎散征行  
遙聞陌頭採桑曲猶勝邊地胡笳聲  
胡笳向暮使人泣還使閨中空佇立  
桃花落杏花舒桐生井底寒葉疎試

為來看上林鴈必有遥寄隴頭書

長安一作關山還使  
一作長還必一作應

同前

庾信

代北雲氣晝昏昏千里飛蓬無復根  
寒鴈丁丁渡遼水桑葉紛紛落薊門  
晉陽山頭無箭竹疎勒城中乏水源  
屬國征戍久離居陽關音信絕能疎  
願得魯連飛一箭持寄思歸燕將書  
渡遼本自有將軍寒風蕭蕭生水紋  
妾驚甘泉足烽火君訝漁陽少陣雲  
自從將軍出細柳蕩子空牀難獨守  
盤龍明鏡向秦嘉辟惡生香寄韓壽

春分燕來能幾日二月蠶眠不復久洛陽遊絲百丈連  
黃河春冰千片穿桃花顏色好如馬榆莢新開巧似錢  
蒲萄一杯千日醉無事九轉學神仙定取金丹作幾服  
能令華表得千年

丁丁一作噉噉少一作多  
不復久玉臺作不能食

從軍行

五首集云從軍詩魏志建安二十年曹  
公西征張魯侍中王粲作詩以美其事

涼風四首從征吳作本非  
樂府今姑從郭本收入

魏王粲

從軍有苦樂但問所從誰所從神且武焉得久勞師相  
公征闕右赫怒震天威一舉滅獯鬻再舉服羌夷西收



邊地賊忽若俯拾遺陳賞越丘山酒肉踰川抵軍中多  
飫饒人馬皆溢肥徒行兼乘還空出有餘資拓地三千  
里往返一如飛歌舞入鄴城所願獲無違晝日處大朝  
日暮薄言歸外參時明政內不廢家私禽獸憚為犧良  
苗實已揮竊慕負鼎翁願厲朽鈍姿不能效沮溺相隨  
把鋤犁熟覽夫子詩信知所言非

李善本無竊慕二句  
如一作若畫一作盡

涼風厲秋節司典告詳刑我君順時發桓桓東南征汎  
舟益長川陳卒被隲垠征夫懷親戚誰能無戀情拊衿

倚舟檣眷言思鄴城哀彼東山人喟然感鶴鳴日月不  
安處人誰獲恒寧昔人從公旦一徂輒三齡今我神武  
師暫往必速平棄余親睦恩輪力竭忠貞懼無一夫用  
報我素餐誠夙夜自忤性思逝若抽縈將秉先登羽豈  
敢聽金聲

戀一作此恒一作常太平御覽載聚從軍詩  
有云樓船凌洪波奮戈刺羣醜宣征吳時邪

從軍征遐路討彼東南夷方舟順廣川薄暮未安坻白  
日半西山桑梓有餘暉蟋蟀夾岸鳴孤鳥翩翩飛征夫  
心兩懷悽愴令吾悲下船登高防草露霑我衣迴身赴

牀寢此愁當告誰身服干戈事豈得念所私即戎有受

命茲理不可違

兩一作多  
悽一作惻

朝發鄴都橋暮濟白馬津逍遙河隄上左右望我軍連  
舫踰萬艘帶甲千萬人率彼東南路將定一舉勲籌策  
運帷幄一由我聖君恨我無時謀譬諸具官臣鞠躬中  
堅內微畫無所陳許歷為完士一言猶敗秦我有素餐  
責誠愧伐檀人雖無鉞刀用庶幾奮薄身

猶一作獨

悠悠涉荒路靡靡我心愁四望無煙火但見林與丘城

郭生榛棘蹊徑無所由  
萑蒲竟廣澤葭葦夾長流  
日夕涼風發翩翩漂吾舟  
寒蟬在樹鳴鸛鵲摩天遊  
客子多悲傷淚下不可收  
朝入譙郡界曠然消人憂  
雞鳴達四境黍稷盈原疇  
館宅充廬里女士滿莊尅  
自非聖賢國誰能享斯休  
詩人美樂土雖客猶願留

廬一作鄺女士一作士女

同前

二首王僧虔技錄云荀錄所載左延年苦哉行一篇今不傳樂府解題曰從軍行皆

軍旅苦辛之辭苦哉行從軍五更轉並出此

左延年

苦哉邊地人一歲三從軍  
三子到燉煌二子詣隴西  
五

子遠關去五婦皆懷身

關後首見初學記

從軍何等樂一驅乘雙駿鞍馬照人白龍驤自動作

關

同前

周王褒有遠征人出此

晉陸機

苦哉遠征人飄飄窮四遐南陟五嶺巔北戍長城阿谿  
谷深無底崇山鬱嵯峨奮臂攀喬木振迹涉流沙隆暑  
固已慘涼風嚴且苛夏條集鮮藻寒氷結衝波胡馬如  
雲屯越旗亦星羅飛鋒無絕影鳴鏑自相和朝餐不免  
胄夕息常負戈苦哉遠征人拊心悲如何

飄飄窮四遐一作飄飄窮

西河谿谷深無底一作深谷  
遊無底集一作焦餐一作食

同前

宋顏延之

苦哉遠征人畢力幹時艱秦初略揚越漢世爭陰山地  
廣旁無界岳阿上虧天嶠霧下高鳥冰沙固流川秋飈  
冬未至春液夏不涓閩烽指荆吳胡埃屬幽燕橫海咸  
飛驪絕漠皆控弦馳檄發章表軍書交塞邊接鑼赴陣  
首卷甲起行前羽驛馳無絕旌旗晝夜懸卧伺金柝響  
起侯亭燧煙遯矣遠征人惜哉私自憐

同前

見太平御覽

謝惠連

趙騎馳四牡吳舟浮三翼弓茅有恒用矛鋌無斃息

關

同前 二首

梁簡文帝

貳師惜善馬樓蘭貪漢財前年出石地今歲討輪臺魚  
雲望旗聚龍沙隨陣開冰城朝浴鐵地道夜銜枚將軍  
號令密天子璽書催何時反舊里遙見下機來

雲中亭障羽檄驚甘泉烽火通夜明貳師將軍新築營  
嫖姚校尉初出征復有山西將絕世愛雄名三門應遁

甲五壘學神兵白雲隨陣色蒼山答鼓聲迤邐觀鵝翼  
參差觀鴈行先平小月陣却減大宛城善馬還長樂黃  
金付水衡小婦趙人能鼓瑟侍婢初笄解鄭聲庭前桃  
花飛已合必應紅粧來起迎

障一作嶂愛一作受陣一作  
神桃花一作柳絮已一

作欲來起迎  
一作起見迎

同前

集云和王僧辨從  
軍姑從郭本收入

梁元帝

寶劍飾龍淵長虹畫彩船山虛和鏡管水浮寫樓船連  
雞隨火度燧象帶烽然洞庭晚風急瀟湘夜月圓荀令



多文藻臨戎賦雅篇

同前

沈約

惜哉征夫子憂恨良獨多  
浮矢出鯁海東馬渡交河雪  
縈九折燈風捲萬里波  
維舟無夕島秣驥乏平莎  
凌濤富驚沫援木闕垂蘿  
江颶鳴壘嶼流雲照層阿  
玄埃晦朔馬白日照吳戈  
寢興流復怨寤寐起還歌  
晨裝豈輟警夕壘詎淹和  
苦哉遠征人悲矣將如何

關一作闕

同前

戴嵩

長安夜刺閨胡騎白銅鞮詔書發隴右召募取闕西劔  
懸三尺鞘鎧暴七重犀督軍鳴戰鼓遙夜數更輦侵星  
出柳塞際晚入榆溪秦涇含藥鴉晉火逐飛雞通泉開  
地道望敵豎雲梯陰山日不暮長城風自淒弓寒折錦  
韉馬凍滑斜蹄燕旗竿上脆羌笛管中嘶登山試下趙  
憑軾且平齊當今函谷上唯見一丸泥

見一作用

同前

吳均

男兒亦可憐立功在北邊陣頭橫却月馬腹帶連錢懷

戈發墮坻乘凍至遼邊微誠君不愛終自直如弦

同前

二首前首集云李都尉陵從軍後首云古意報來功曹並非樂府今姑從郭本收入

江淹

樽酒送征人踟躕在親宴日暮浮雲滋握手淚如霰悠  
悠清水川嘉魴得所荐而我在萬里結友不相見袖中

有短書願寄雙飛燕

友一作髮

從軍出隴北長望陰山雲涇渭各流異恩情於此分故  
人贈寶劍鏤以瑤華文一言鳳獨立再說鸞無羣何得

晨風起悠哉凌翠氛黃鵠去千里垂淚為報君

同前

英華作  
蕭子雲

蕭子顯

左角名王侵漢邊輕薄良家惡少年縱橫向沮澤凌厲  
取山田黃塵不見景飛蓬恒滿天邊功封足野竊寵劫  
祁連春風春月將進酒妖姬舞女亂君前

劫一作拜

同前

劉孝儀

冠軍親挾射長平自合圍木落雕弓燥氣秋征馬肥賢  
王皆屈膝幕府復申威何謂從軍樂往返速如飛

同前

二首後首集云星名從軍詩姑從郭本收入

陳張正見

胡兵屯薊北漢將起山西故人輕百戰聊欲定三齊風  
前噴畫角雲上舞飛梯鴈塞秋聲遠龍沙雲路迷燕然  
自可勒函谷詎須泥

將軍定朔邊刁斗出祁連高柳橫長塞榆關接遠天井  
泉含陣竭風火映山然欲知客心斷旌旌萬里懸

同前

周趙王招

遼東烽火照甘泉薊北亭障接燕然水凍菖蒲未生節

關寒榆葉不成錢

同前

集云同盧  
記室從軍

庾信

河圖論陣氣金匱辨星文  
地中鳴鼓角天上下將軍  
函屏恒七屬浴鐵本千羣  
飛梯聊度絳合弩暫凌汾  
寇陣先中斷妖營即兩分  
連烽對嶺度嘶馬隔河聞  
箭飛如疾雨城崩似壞雲  
英王於此戰何用武安君

同前

二首

王褒

兵書久嫻習征戰數曾經  
講戎平樂觀攬劍羽林亭  
西

征度踈勒東驅出井陘牧馬濱長渭營軍毒上涇平雲  
如陣色半月類城形羽書封信璽詔使動流星對岸流  
沙白綠河柳色青將幕恒臨斗旌門常背刑勲封瀚海  
石功勒燕然銘兵勢因麾下軍圖送掖庭誰憐下玉筋  
向暮掩金屏

攬劍一作學戲

黃河流水急驄馬送征人谷望河陽縣橋度小平津年  
少多遊俠結客好輕身代風愁握馬胡霜宜角筋羽書  
勞警急邊鞍倦苦辛康居因漢使盧龍稱魏臣荒戍唯

看柳邊城不識春男兒重意氣無為羞賤貧

同前

隋盧思道

朔方烽火照甘泉長安飛將出祁連犀渠玉劍良家子  
白馬金羈俠少年平明偃月屯右地薄暮魚麗逐左賢  
谷中石虎經銜箭山上金人曾祭天天涯一去無窮已  
薊門迢遞三千里朝見馬嶺黃沙合夕望龍城陣雲起  
庭中奇樹已堪攀塞外征人殊未還白雲初下天山外  
浮雲直向五原間關山萬里不可越誰能坐對芳菲月



流水本自斷人腸  
堅冰舊來傷馬骨  
邊庭節物與華異  
冬霰秋霜春不歇  
長風蕭蕭渡水來  
歸鴈連連映天沒  
從軍行從軍行  
萬里出龍庭  
單于渭橋今已拜  
將軍何處覓功名

同前

選詩外編  
作塞上

明餘慶

三邊烽亂驚十萬  
且橫行  
風卷常山陣  
笳喧細柳營  
劍花寒不落  
弓月曉逾明  
會取淮南地  
持作朔方城

淮南一作

河西

同前二首

虞世南

塗山烽候驚弭節，度龍城，冀馬樓蘭將燕犀。  
上谷兵劒寒花不落，弓曉月逾明。  
凜凜嚴霜節，冰壯黃河絕。蔽日卷征蓬，浮天散飛雪。  
全兵值月滿，精騎乘膠折。結髮早驅馳，辛苦事旌麾。  
馬凍重關冷，輪摧九折危。獨有西山將，年年屬數奇。

西山疑作山西

烽火發金微，連營出武威。  
孤城塞雲起，絕陣虜塵飛。  
俠客吸龍劒，惡少縵胡衣。  
朝摩骨都壘，夜解谷蠡圍。  
蕭關

遠無極蒲海廣難依沙磴離旌斷晴川候馬歸交河梁  
已畢燕山旆欲飛方知萬里相侯服有光輝

烽一作  
燿誤

### 遠征人

周王褒

黃河流水急驅馬送征人谷望河陽縣橋度小平津

### 從軍行五更轉

五首樂苑曰五更轉商調曲按  
伏知道已有從軍辭則五更轉

蓋陳已  
前曲也

陳伏知道

一更刁斗鳴校尉連連城遙聞射鵰騎懸憚將軍名  
二更愁未央高城寒夜長試將弓學月聊持劍比霜

三更夜警新橫吹獨吟春強聽梅花落誤憶柳園人  
四更星漢低落月與雲齊依稀北風裏胡笳雜馬嘶  
五更催送籌晚色映山頭城烏初起堞更人悄下樓

悄一

笑作

### 鞠歌行

古今樂錄曰王僧虔技錄平調又有鞠歌行今無歌者陸機序曰按漢宮閣有

舍章鞠室靈芝鞠室後漢馬防第宅卜臨道閣通池鞠城彌於街路鞠歌將謂此也又東阿王詩連騎擊壤或謂蹴鞠乎三言七言言雖奇寶名器不遇知己終不見重願逢知己

以託意焉

### 晉陸機

朝雲升應龍攀乘風遠遊騰雲端鼓鐘歇豈自歡急弦  
高張思和彈時希值年夙愆循已雖易人知難王陽登  
貢公歡罕生既沒國子歎嗟千載豈虛言邈矣遠念情  
愴然

同前

宋謝靈運

德不孤兮必有鄰唱和之契冥相因譬如虬虎兮來風  
雲亦如形聲影響陳心歡賞兮歲易淪隱玉藏彩疇識  
真叔牙顯夷吾親郢既歿匠寢斤覽古籍信伊人永言

知己感良辰

同前

謝惠連

翔馳騎千里姿伯樂不舉誰能知  
南荆壁萬金貨卞和不斲與石離  
年難留時易隕厲志莫賞徒勞疲沮  
齊音溺趙吹匠石善運郢不危古綿  
眇理參差單心慷慨雙淚垂

古樂苑卷十六

欽定四庫全書

古樂苑卷十七

明 梅鼎祚 編

相和歌辭

清調曲

清調曲

一

古今樂錄曰王僧虔技錄清調有六曲一苦寒  
行二豫章行三董逃行四相逢俠路間行五塘  
上行六秋胡行荀氏錄所載九曲傳者五曲晉  
宋齊所歌今不歌武帝北土苦寒行上謁董逃  
行蒲生塘上行晨工顧登秋胡行是也其四曲  
今不傳明帝悠悠苦寒行古辭白楊豫章行武

帝白日董逃行古辭相逢狹路間行是也其器有笙笛下聲弄弄遊弄笙節琴瑟箏琵琶八種歌弦四弦張永錄云木歌之前有五部弦又在弄後晉宋齊止四器也

苦寒行

樂府解題曰晉樂奏魏武帝北工篇備言冰雪谿谷之苦其後或謂之北工行

蓋因武帝辭而擬之也  
藝文類聚作魏文帝

魏武帝

北上太行山艱哉何巍巍太行山艱哉何巍巍羊腸坂

詰屈車輪為之摧

一解樹木何蕭瑟北風聲正悲何蕭瑟

北風聲正悲熊羆對我蹲虎豹夾道啼

二解谿谷少人民

雪落何霏霏少人民雪落何霏霏延頸長歎息遠行多



所懷三解我心何怫鬱思欲一東歸何怫鬱思欲一東歸

水深橋梁絕中路正徘徊四解迷惑失徑路暝無所宿棲

失徑路暝無所宿棲行行日以遠人馬同時飢五解擔囊

行取薪斧冰持作糜擔囊行取薪斧冰持作糜悲彼東

山詩悠悠使我哀

六解 右一曲晉樂所奏宋書首並疊二句

北上太行山艱哉何巍巍羊腸坂詰屈車輪為之摧樹

木何蕭瑟北風聲正悲熊羆對我蹲虎豹夾路啼谿谷

少人民雪落何霏霏延頸長歎息遠行多所懷我心何

怫鬱思欲一東歸水深橋梁絕中路正徘徊迷惑失故  
路薄暮無宿棲行行日已遠人馬同時飢擔囊行取薪  
斧冰持作糜悲彼東山詩悠悠使我哀

右一曲  
本辭

同前

魏明帝

悠悠發洛都并我征東行悠悠發洛都并我征東行征  
行彌二旬屯吹龍陂城

解

顧觀故壘處皇祖之所營故

壘處皇祖之所營屋室若平昔棟宇無邪傾

解

奈何我

皇祖潛德隱聖形我皇祖潛德隱聖形雖沒而不朽書

貴垂休名

三解

光光我皇祖潛德隱聖榮我皇祖軒耀同

其榮遺化布四海八表以肅清

四解

雖有吳蜀寇春秋足

耀兵吳蜀寇春秋足耀兵徒悲我皇祖不永享百齡賦

詩以寫懷伏軾淚霑纓

五解

右一曲晉樂所奏按每解疊首二句龍宋書作隴休

一作伐耀

一作曜

同前

晉陸機

北遊幽朔城涼野多險艱俯入窮谷底仰陟高山盤凝  
氷結重礪積雪被長巒陰雲興巖側悲風鳴樹端不覩

白日景但聞寒鳥囓猛虎憑林嘯玄猿臨岸歎夕宿喬  
木下慘愴恒鮮歡渴飲堅冰漿飢待零露餐離思固已  
久寤寐莫與言劇哉行役人慙慙恒苦寒

難一作難  
久一作矣

同前

二首並  
有闕

宋謝靈運

歲歲曾冰合紛紛霰雪落浮陽減清暉寒禽叫悲壑飢  
爨煙不興渴汲水枯涸

樵蘓無風飲鑿冰煮朝飡悲矣采薇唱苦哉有餘酸

吁嗟篇

選詩拾遺作瑟調飛蓬篇樂府解題曰  
曹植擬苦寒行為吁嗟魏志云植每欲

求別見獨談及時政幸冀試用終不能得時  
法制待藩國峻迫植十一年而三徙都常汲  
汲無歡裴松之注云植嘗  
為瑟瑟調歌辭則此篇也  
魏陳思王植

吁嗟此轉蓬居世何獨然長去本根逝風夜無休閒東  
西經七陌南北越九阡卒遇回風起吹我入雲間自謂  
終天路忽然下沈淵驚飈接我出故歸彼中田當南而  
更北謂東而反西宕宕當何依忽亡而復存飄颻周八  
澤連翩歷五山流轉無恒處誰知吾苦艱願為中林草  
秋隨野火燔靡滅豈不痛願與根荄連

泉一作淵  
根一作株

豫章行

古今樂錄曰豫章行王僧虔云荀錄所載古白楊一篇今不傳

古辭

白楊初生時乃在豫章山上葉摩青雲下根通黃泉涼

秋八九月山客持斧斤我

闕何皎皎梯落

闕根株

已斷絕顛倒巖石間大匠持斧繩鋸墨齊兩端一驅四

五里枝葉自相捐

闕

會為舟船燔身在洛陽

宮根在豫章山多謝枝與葉何時復相連吾生百年

闕

自

闕俱何意萬人巧使我離根株

右一曲晉樂所奏

同前

二首樂府解題曰曹植擬豫章行為窮達

魏陳思王植

窮達難豫圖禍福信亦然虞舜不逢堯耕耘處中田太公未遭文漁釣終渭川不見魯孔丘窮困陳蔡間周公

下白屋天下稱其賢

終一作淫

鴛鴦自朋親不若比翼連他人雖同盟骨肉天性然周公穆康叔管蔡則流言子臧讓千乘季札慕其賢

同前

晉陸機

汎舟清川渚遙望高山陰川陸殊途軌懿親將遠尋三

荆歡同株四鳥悲異林樂會良自古悼別豈獨今寄世  
將幾何日是無停陰前路既已多遠路隨年侵促促薄  
暮景疊疊鮮克禁曷為復以茲曾是懷苦心遠節嬰物  
淺近情能不深行矣保嘉福景絕繼以音

高一  
作南

同前

宋謝靈運

短生於長世恒覺白日歆覽鏡睨穢容華顏豈久期苟  
無迴戈術坐觀落崦嵫

有闕

同前

謝惠連



軒帆遡遙路薄送暇遐江舟車理殊緬密友將遠從九  
里樂同潤二華念分峰集歡豈今發離歎自古鐘促生  
靡緩期迟景無遲蹤緇髮迫多素憔悴謝華華婉婉寡  
留畧窈窕閉淹龍如何阻行止憤愠結心胃既微達者  
度歡戚誰能封願子保淑慎良訊代徽容

同前

梁沈約

燕陵平而遠易河清且駛一見塵波阻臨途引征思雙  
劍愛匣同孤鸞悲影異宴言誠易纂清歌信難嗣卧聞

夕鐘急坐聞朝光亟往歡墜壯心來戚滿衰志殂芳無  
再馥淪灰定還熾夏臺尚可忘榮辱亦奚事愧微曠士  
節徒感鄙生餌勞哉納辰和地遠託聲寄

同前

隋薛道衡

江南地遠接閩甌山東英妙屢經遊前瞻疊障千重阻  
却帶驚湍萬里流楓葉朝飛向京洛文魚夜過歷吳洲  
君行遠度茱萸嶺妾住長依明月樓樓中愁思不開頻  
始復臨牕望早春鴛鴦水上萍初合鳴鶴園中花併新

空憶常時角枕處無復前日畫眉人照骨金環誰用許  
見膽明鏡自生塵蕩子從來好留滯況復關山遠迢遞  
當學織女嫁牽牛莫學嫦娥叛夫婿偏訝思君無限極  
欲罷欲忘還復憶願作王母三青鳥飛去飛來傳消息  
豐城雙劍昔曾離經年累月復相隨不畏將軍成久別  
只恐封侯心更移

豫章行苦相篇

晉傅玄

苦相身為女卑陋難再陳男兒當門戶墮地自生神雄

心志四海萬里望風塵女育無欣愛不為家所珍長大  
逃深室藏頭羞見人垂淚適他鄉忽如雨絕雲低頭和  
顏色素齒結朱脣跪拜無復數婢妾如嚴賓情合同雲  
漢葵藿仰陽春心乖甚水火百惡集其身玉顏隨年變  
丈夫多好新昔為形與影今為胡與秦胡秦時相見一

絕踰參辰

男兒一作兒男齒一作類  
玄豫章行云輕裘綴孔翠明珂曜珊瑚  
太平御覽載

董逃行

五解 崔豹古今注曰董逃歌後漢遊  
童所作也終有董卓作亂卒以逃亡後

人習之為歌章樂府奏之以為儆誠焉後漢  
書五行志曰靈帝中平中京都歌曰承樂世

董逃云云風俗通曰卓以董逃之歌主為己發大禁絕之楊孚董卓傳曰卓改董逃為董

安按古辭大畧言服

藥求仙與卓無預

### 古辭

吾欲上謁從高山山頭危嶮大難遙望五嶽端黃金為

闕班璘但見芝草葉落紛紛

解一百鳥集來如煙

山獸紛

綸麟辟邪其端鵲聲鳴但見山獸援戲相拘攀

解二小

復前行玉堂未心懷流還傳教出門來門外人何求所

言欲從聖道求一得命延

解三

教勅凡吏受言採取神藥

若木端白兔長跪擣藥蝦蟇丸奉上陛下一玉杯服此

藥可得神仙

四解

服爾神藥莫不歡喜陛下長生老壽四

面肅肅稽首天神擁護左右陛下長與天相保守

五解

同前

見太平御覽

魏文帝

晨背大河南轅跋涉遐路漫漫師徒百萬譁譁戈矛若

林成山旌旗拂日蔽天

闕

同前

一作五首

晉陸機

和風習習薄林柔條布葉垂陰鳴鳩拂羽相尋倉鷗喈  
喈弄音感時悼逝傷心日月相追周旋萬里儵忽幾年

人皆冉冉西遷盛時一往不還慷慨乖念悽然昔為少年無憂常恠秉燭夜遊翩翩宵征何求於今知此有由但為老去年道盛固有衰不疑長夜冥冥無期何不驅馳及時聊樂永日自怡齋此遺情何之人生居世為安豈若及時為驩世道多故萬端憂慮紛錯交頽老行及之長歎

董逃行歷九秋篇

十二首玉臺以前十首作簡文帝樂錄云傳玄作據文選

注引之為漢古辭選詩拾遺曰此篇髣髴惟憾如在目前經緯情感若採中曲宮商曾疊

綺繪斐疊其言有文焉其聲有永焉惜不知何人之辭非相如枚乘誰能為之當為百世六言之祖也馮惟訥曰此辭本題董逃行歷九秋篇董逃行起於漢末不得謂相如枚乘為之也觀其辭體不類

二京當以樂錄為正

晉傳玄

歷九秋兮三春遺賢客兮遠賓顧多君心所親乃命妙

妓才人炳若日月星辰

其一

序金罍兮玉觴賓主遞起鴈

行杯若飛電絕光交觴接卮結棠慷慨歡笑萬方

其二

奏

新詩兮夫君爛然虎變龍文渾如天地未分齊謳楚舞

紛紛歌聲上激青雲

其三

窮八音兮異倫奇聲靡靡每新



微披素齒丹唇逸響飛薄梁塵精爽眇眇入神

其四

坐咸

醉兮沾歡引樽促席臨軒進爵獻壽翻翻千秋要君一

言願愛不移若山

其五

君恩愛兮不竭譬若朝日夕月比

景萬里不絕長保初顰髮結何憂坐成胡越

其六

搗弱手

兮金環上遊飛閣雲間穆若鴛鳳雙鸞還幸蘭房自安

娛心樂意難原

其七

樂既極兮多懷盛時忽逝若顏寒暑

革御景迴春榮隨風飄摧感物動心增哀

其八

妾受命兮

孤虛男兒墮地稱姝女弱雖存若無骨肉至親更疏奉

事他人託軀

其九

君如影兮隨形賤妾如水浮萍明月不

能常盈誰能無根保榮良時冉冉代征

其十

顧繡領兮含

暉皎日迴光則微朱華忽爾漸哀影欲捨形高飛誰言

往思可追

其十一

薺與麥兮夏零蘭桂踐霜逾馨祿命懸

天難明妾心結意丹青何憂君心中傾

其十二

春華一作榮華爾一

作示

相逢行

一曰相逢狹路間行亦曰長安有狹邪行樂府解題古辭文意與雞鳴曲同三

婦豔及中婦織流黃並出此

古辭

相逢狹路間道隘不容車不知何年少夾轂問君家君  
家誠易知易知復難忘黃金為君門白玉為君堂堂上  
置樽酒作使郎鄆倡中庭生桂樹華燈何煌煌兄弟兩  
三人中子為侍郎五日一來歸道上自生光黃金絡馬  
頭觀者盈道傍入門時左顧但見雙鴛鴦鴛鴦七十二  
羅列自成行音聲何囋囋鶴鳴東西廂大婦織綺羅中  
婦織流黃小婦無所為挾瑟上高堂丈人且安坐調絲

方未央

一作調絲未遑央  
右一曲晉樂所奏

同前

一作五首郭本作  
謝惠連今從藝文

宋謝靈運

行行即長道道長息班草邂逅賞心人與我傾懷抱夷  
世信難值憂來傷人平生不可保陽華與春渥陰柯長  
秋槁心慨榮去速情苦憂來早日華難久居憂來傷人  
諄諄亦至老親黨近卹庇昵君不常好九族悲素霰三  
良怨黃鳥邇朱白即賴憂來傷人近縞潔必造水流理  
就濕火炎同歸燥賞契少能諧斷金斷可寶千計莫適  
從

下當有憂來

傷人四字

萬端信紛繞巢林宜擇木結友使心曉

心曉形迹畧畧邇誰能了相逢既若舊憂來傷人片言  
代紆縞

同前

梁張率

相逢夕陰街獨趨尚冠里高門既如一甲第復相似憑  
軾日欲昏何處訪公子公子之所在所在良易知青樓  
出上路漸臺臨曲池堂上撫流徽雷罇朝夕施橘柚分  
華實朱火燎金枝兄弟兩三人冠珮紛陸離朝從禁中  
出車騎並驅馳金鞍馬腦勒聚觀路傍兒入門一顧望

鳬鵠有雄雌雄雌各數千相鳴戲羽儀並在東西立羣  
次何離離大婦刺方領中婦抱嬰兒小婦尚嬌稚端坐  
吹參差丈人無遽起神鳳且來儀

中一作門丈  
人一作丈夫

相逢狹路間

宋孔欣

相逢狹路間道狹正踟躕如何不羣士行吟戲路衢輟  
步相與言君行欲焉如淳朴久已凋榮利迭相驅流落  
尚風波人情多遷渝勢集堂必滿運去庭亦虛競趨嘗  
不暇誰肯眷桑樞無為肆獨往只將困淪胥未若及初

九攜手歸田廬躬耕東山畔樂道詠玄書狹路安足遊  
方外可寄娛

同前

梁昭明太子統

京華有曲巷曲曲不通輿道逢一俠客緣路問君居君  
居在城北可尋復易知朱門間皓壁刻桷映晨離階植  
若華草光影逐飈移輕幘委四屋蘭膏然百枝長子飾  
青紫中子任以貲小子始總角方作啼弄兒三子俱入  
門赫奕盛羽儀驂駟服衡轡白玉鏤鞵羈容止同規矩

賓從盡恭卑雅鄭時間作孤竹乍參差雲翔雜水宿弄  
吭滿青池歡樂無終極流目豈知疲門下非毛遂坐上  
盡英奇大婦成貝錦中婦飾粉絕小婦獨無事理曲步  
簷垂丈人暫徙倚行使流風吹

曲曲一作巷曲若華一作茗華委四屋一作逐

四屈翔一作飛飾一作治絕一作施

同前

沈約

相逢洛陽道繫聲流水車路逢輕薄子竚立問君家君  
家誠易知易知復易憶龍馬滿街衢飛蓋交門側大子



萬戶侯中子飛而食小子始從官朝夕溫省直三子俱  
入門赫奕多羽翼若若青組紆煙煙金璫色大婦繞梁  
歌中婦回文織小婦獨無事閉戶聊且即綠綺試一彈  
玄鶴方鼓翼

同前

劉孺

送君追避路路狹暖朝露三危上蔽日九折杳連雲枝  
交幘不見聽盡吹纔聞豈伊歎道遠亦迺泣塗分况茲  
別親愛情念切離羣

同前

劉遵

春晚駕香車交輪礙狹斜所恐惟風入疑傷步搖花含  
羞隱年少何因問妾家青樓臨上路相期覺路賒

覺一作竟

同前

隋李德林

天衢號九經冠蓋恒縱橫忽逢懷刺客相尋欲逐名我  
住河陽浦開門望帝城金臺遠猶出玉觀夜恒明筵羞  
太官膳酒釀步兵營懸牀接高士隔帳授諸生流水琴  
前韻飛塵歌後輕大子難為弟中子難為兄小子輕財

利實見陶朱情龍軒照人轉驥馬噓天明入門俱有說  
至道勝金籙出門會親友天官奏德星大婦訓端木中  
婦訓劉靈小婦南山下擊缶和秦箏羣賓莫有戲燈來  
告絕纓

長安有狹邪行

古辭

長安有狹邪狹邪不容車適逢兩少年夾轂問君家君  
家新市傍易知復難忘大子二千石中子孝廉郎小子  
無官職衣冠仕洛陽三子俱入室室中自生光大婦織

綺紵中婦織流黃小婦無所為挾琴上高堂丈夫且徐

徐調絃詎未央

約一作羅

同前

晉陸機

伊洛有岐路岐路交朱輪輕蓋承華景騰步躡飛塵鳴  
玉豈樸儒馮軾皆俊民烈心厲勁秋麗服鮮芳春余本  
倦遊客豪彥多舊親傾蓋承芳訊欲鳴當及晨守一不  
足矜岐路良可遵規行無曠迹矩步豈逮人投足緒已  
爾四時不必循將遂殊塗軌要子同歸津

同前

宋謝惠連

紀郢有通達通達並軒車帝帝雕輪馳軒軒翠蓋舒撰  
策之五尹振轡從三閭推劍馮前軾鳴佩專後輿

疑闕

同前

一云擬相逢  
伏路間

荀昶

朝發郢郢邑暮宿井陘間井陘一何狹車馬不得旋迴  
迨相逢值崎嶇交一言一言不容多伏軾問君家君家  
誠易知易知復易博南面平原居北趨相如閣飛樓臨  
名都通門枕華郭入門無所見但見雙棲鶴棲鶴數十

雙鴛鴦羣相追大兄珥金璫中兄振纓綏伏臘一來歸  
鄰里生光輝小弟無所為鬪雞東陌遠大婦織紉綺中  
婦縫羅衣小婦無所作挾瑟弄音徽丈人且却坐梁塵  
將欲飛

中兄振纓綏一作纓玉中兄疑

同前

帝王集作魏武帝非

梁武帝

洛陽有曲陌曲曲不通驛忽遇二少童扶轡問君宅我  
宅邨鄆右易憶復可知大息組網縕中息佩陸離小息  
尚青綺總轡遊南陂三息俱入門家臣拜門垂三息俱

升堂旨酒盈千卮三息俱入戶戶內有光儀大婦理金  
翠中婦事玉觴小婦獨閒暇調笙遊曲池丈人少徘徊  
鳳吹方參差

遇一作逢  
轡一作角

同前

簡文帝

長安有徑塗徑徑不通輿道逢雙總角扶輪問我居我  
居青門北可憶復易津大息騫金勒中息綰黃銀小息  
始得意黃頭作弄臣三息俱入門雅志揚清塵三息俱  
上堂觴肴滿四陳三息俱入戶照耀光容新大婦舒綺

網中婦拂羅巾小婦最容冶映鏡學嬌頻丈人且安坐

清謳出絳唇

徑徑一作塗徑角一作  
州津一作尋綰一作剖

同前

沈約

青槐金陵陌丹轂輦遊士方驂萬乘臣炫服千金子咸  
陽不足稱臨淄孰能擬

同前

庾肩吾

長安曲陌坂曲曲不容憊路逢雙綺襦問君居近遠我  
居臨御溝可識不可求長子登麟閣次子侍龍樓少子



無高位聊從金馬遊三子俱來下左右若川流三子俱  
來入高軒映彩旒三子俱來宴玉柱擊清甌大婦褰雲  
裘中婦卷羅幃小婦多妖豔花鈿繫石榴夫君且安坐

歡娛方未周

曲陌坂一作有曲陌曲曲  
一作曲陌妖豔一作豔治

同前

王同

名都馳道傍華轂亂鏘鏘道逢佳麗子問我居何鄉我  
家洛川上甲第遙相望珠扉玳瑁牀綺席流蘇帳大子  
執金吾次子中郎將小子陪金馬遨遊茂卿相三子俱

休沐風流鬱何壯三子俱會同肅雍多禮讓三子俱還  
室絲管紛寥亮大婦裁舞衣中婦學清唱小婦窺鏡影  
弄此朝霞狀佳人且少留為君繞梁唱

同前

徐防

長安有句曲勾勾不通驛塗逢二綺衣夾路訪君室君  
室近霸城易識復知名大息登金馬中息謁承明小息  
偏愛韋走馬曳長纓三息俱入門車服盡雕輕三息俱  
上堂嘉賓四座盈三息俱入戶室內有光榮大婦纈始

呈中婦繡初營小婦多姿媚紅紗映削成上客且安坐

胡牀妾自擎

服一作馬

同前

陳張正見

少年重遊俠長安有狹斜路窄時容馬枝高易度車簷  
高同落照巷小共飛花相逢夾繡轂借問是誰家

同前

周王褒

威紆狹邪道車騎動相喧博徒稱劇孟遊俠號王孫勢  
傾魏侯府交盡翟公門路邪勞夾轂塗艱倦折轅日斜

宣曲觀春還御宿園塗歌楊柳曲巷飲榴花樽獨有遊

梁倦還守孝文園

威一作逵  
倦一作客

三婦豔

宋南平王鑠

大婦裁霧縠中婦牒水練小婦端清景含歌登玉殿丈  
人且徘徊臨風傷流霞

同前

齊王融

大婦織綺羅中婦織流黃小婦獨無事挾瑟上高堂丈  
夫且安坐調絃詎未央

綺羅一作縑絲瑟一作琴又夫  
一作丈人詎未央一作未央

同前

梁昭明太子統

大婦舞輕巾中婦拂華茵小婦獨無事紅黛潤芳津良人且高卧方欲薦梁塵

同前

沈約

大婦拂玉匣中婦結珠帷小婦獨無事對鏡理蛾眉良人且安卧夜長方自私

拂玉匣一作掃玉屏  
珠一作羅理一作畫

同前

王筠

大婦留芳褥中婦對華燭小婦獨無事當軒理清曲丈

人且安卧豔歌方斷續

同前

吳均

大婦絃初切中婦管方吹小婦多姿態含笑逼清卮佳人勿餘及慙慙妾自知

同前

劉孝綽

大婦縫羅裙中婦料繡文唯餘最小婦窈窕舞昭君丈人慎勿去聽我駐浮雲

人一作夫

同前

十一首

陳後主

大婦避秋風中婦夜牀空小婦初兩髻含嬌新臉紅得意非霰日可憐那可同

大婦西北樓中婦南陌頭小婦初粧點回眉對月鈎可憐還自覺人看反更羞

大婦主繡機中婦裁春衣小婦新粧冶拂匣動琴徽長夜理清曲餘嬌且未歸

主一作弄

大婦妬蛾眉中婦逐春時小婦最年少相望卷羅帷羅帷夜寒卷相望人來遲

大婦上高樓中婦蕩蓮舟小婦獨無事撥帳掩嬌羞  
丈夫應自解更深難道留

大婦初調箏中婦飲歌聲小婦春粧罷弄月當宵  
子時將意相看不用爭

大婦愛恒偏中婦意長堅小婦獨嬌笑新來華燭前  
來誠可惑為許得新憐

大婦酌金杯中婦照粧臺小婦偏妖冶下砌折新梅  
中何假問人今最後來



大婦怨空閨中婦夜偷啼小婦獨含笑正柱作烏棲河  
低帳未掩夜夜畫眉齊

大婦正當壚中婦裁羅襦小婦獨無事淇上待吳姝烏  
歸花復落飲去却踟躕

大婦年十五中婦當春戶小婦正橫陳含嬌情未吐所  
愁曉漏促不恨燈銷炷

同前

張正見

大婦織殘絲中婦妬蛾眉小婦獨無事歌罷詠新詩上

客何須起為待絕纓時

中婦織流黃

梁簡文帝

翻花滿階砌愁人獨上機浮雲西北起孔雀東南飛調  
絲時繞腕易鐏乍牽衣鳴梭逐動釧紅粧映落暉

同前

陳徐陵

落花還井上春機當戶前帶衫行障口覓釧枕檀邊數  
鐏經無亂新漿緯易牽蜘蛛夜伴織百舌曉驚眠封用  
黎陽土書因計吏船欲知夫婿處今督水衡錢

還一作  
非枕檀

一作  
入壇

同前

北齊盧詢

別人心已怨愁空日復斜  
燃香望韓壽磨鏡待秦嘉  
殘絲愁續爛餘纖恐繡賒  
支機一片石緩轉獨輪車  
下簾還憶月挑燈更惜花  
似天河上景春時織女家

同前

隋虞世南

寒閨織素錦含怨歛雙蛾  
綜新交縷澀經脆斷絲多  
衣香逐舉袖釧動應鳴梭  
還恐裁縫罷無信達交河

達一作往

詩話補遺云此虞世南織錦曲也分明是一幅織錦  
圖綜音縱經音迤非深知織作者不知此二句之妙

古樂苑卷十七

欽定四庫全書

古樂苑卷十八

明 梅鼎祚 編

相和歌辭

清調曲

清調曲 二

塘上行

五解 郭都故事曰魏文帝甄皇后中山

後太祖破紹文帝時為太子遂以後為夫人

后為郭皇后所譖賜死臨終為詩樂府解題

曰晉樂奏魏武帝蒲生篇而諸集錄皆言甄

后所作歎以讒訴見弃猶幸得新好不遺故

惡馬今詳詩意蓋初見  
弃所作似非臨終詩也

魏甄后

蒲生我池中蒲生我池中其葉何離離  
傍能行人儀莫能縷自知衆口鑠黃金  
使君生別離解一念君去我時念

君去我時獨愁常苦悲想見君顏色感  
結傷心脾今悉

夜夜愁不寐

解二

莫用豪賢故莫用豪賢故弃捐素所愛

莫用魚肉賢弃捐慈與難莫用麻枲賤  
弃捐管與蒯

解三

倍恩者苦枯倍恩者苦枯蹶船常苦沒  
教君安息定慎

莫致倉卒念與君一共離別亦當何時  
共坐復相對

解四

出亦復苦愁入亦復苦愁邊地多悲風樹木何蕭蕭今

日樂相樂延年壽千秋

五解 右一曲晉樂所奏宋書每解首疊二句

蒲生我池中其葉何離離傍能行仁義莫若妾自知衆  
口鑠黃金使君生別離念君去我時獨愁常苦悲想見  
君顏色感結傷心脾念君常苦悲夜夜不能寐莫以豪  
賢故弃捐素所愛莫以魚肉賤弃捐蔥與薤莫以麻枲  
賤弃捐菅與蒯出亦復苦愁入亦復苦愁邊地多悲風  
樹木何蕭蕭從軍致獨樂延年壽千秋

右一曲  
本辭

蒲生我池中綠葉何離離  
念君去我時獨愁常苦悲  
想見君顏色感結傷心脾  
念君常苦意夜夜不能寐  
莫以魚肉賤棄捐慈與莊  
莫以麻桑賤棄捐管與蒯  
倍恩者苦枯蹶船常苦沒  
教君安息定慎莫致倉卒  
與君一別離何時復相對  
出亦復苦愁入亦復苦愁  
邊地多悲風樹木何稜稜  
從君致獨樂延年壽千秋

同前

沈約有江蘿生幽渚出此

晉陸機

江蘿生幽渚微芳不足宣  
被蒙風雲會移居華池邊  
發藻玉臺下垂影滄浪泉  
霑潤既已渥結根與且堅  
四節逝不處繁華難久鮮  
淑氣與時殞餘芳隨風捐  
天道有



遷易人理無常全男懼智傾愚女愛衰避妍不惜微軀  
退恒懼蒼蠅前願君廣末光照妾薄暮年

雲一作雨  
泉一作淵

同前

宋謝惠連

芳萱秀陵阿菲質不足營幸有忘憂用移根託君庭垂  
穎臨清池擢彩仰華甍霑渥雲雨潤歲蕤吐芳馨願君  
春傾葉留景惠餘明

塘上行苦辛篇

梁劉孝威

蒲生伊何陳曲中多苦辛黃金坐銷鑠白玉遂溜磷裂

衣工毀嫡掩袖切讒新嫌成跡易已愛去理難申秦雲  
猶變色魯日尚迴輪妾歌已唱斷君心終未親

蒲生行浮萍篇

魏陳思王植

浮萍寄清水隨風東西流結髮辭嚴親來為君子仇恪  
勤在朝夕無端獲罪尤在昔蒙恩惠和樂如瑟琴何意  
今摧積曠若商與參茱萸自有芳不若桂與蘭新人雖  
可愛無若故所歡行雲有返期君恩儻中還慊慊仰天  
歎愁心將何想日月不恒處人生忽若寓悲風來入懷

淚下如垂露發篋造裳衣裁縫紉與素

懷一作帷  
裳一作新

蒲生行

本集  
不載

齊謝朓

蒲生廣湖邊託身洪波側春露惠我澤秋霜縟我色根  
葉從風浪常恐不永植攝生各有命豈云智與力安得  
遊雲上與爾同羽翼

蒲生我池中

梁元帝

池中種蒲葉葉影蔭池濱未好中宮薦行堪隱士輪為  
書聊可截匹柳復宜春瑞葉生苒苑鏤碧獻周人

江蘿生幽渚

一作塘上行

梁沈約

澤蘭被荒徑孤芳豈自通  
幸逢瑤池曠得與金芝叢  
朝承紫臺露夕潤綠池風  
既美脩嫫女復悅繁華童  
夙昔玉霜滿旦暮翠條空  
葉飄儲胥右芳歇露寒東  
紀化尚盈尺俗志信積隆  
財殫交易絕華落愛難終  
所惜改驪眊豈恨逐征蓬  
願回昭陽景持照長門宮

持一作時

秋胡行

二首 西京雜記曰魯人秋胡娶妻三月而遊宦三年休還家其婦採桑於郊

胡至郊而不識其妻也見而悅之乃遺黃金一鎰妻曰妾有夫遊宦不返幽閨獨處三年

于茲未有被辱於今日也採桑不顧胡慙而  
退至家問妻何在曰行採桑於郊未返既歸  
還乃向所挑之婦也夫妻並慙妻赴沂水而  
死列女傳曰魯秋潔婦者魯秋胡之妻也既  
納之五日去而宦於陳五年乃歸未至其家  
見路傍有美婦人方採桑而說之下車謂曰  
力田不如逢豐年力桑不如見國卿今吾有  
金願以與夫人婦曰採桑力作紡績織紉以  
供衣食奉二親養夫子已矣不願人之金秋  
胡遂去歸至家奉金遺母使人呼其婦婦至  
乃嚮採桑者也婦汙其行去而東走自投於  
河而死樂府解題曰後人哀而賦之為秋胡  
行若魏文帝辭云堯任舜禹當復何為亦題  
曰秋胡行曹植秋胡行但歌魏德而不取秋  
胡事與文  
帝辭同

魏武帝

晨上散關山此道當何難晨上散關山此道當何難牛  
頓不起車墮谷間坐盤石之上彈五弦之琴作為清角  
韻意中迷煩歌以言志晨上散關山

解一

有何三老公卒

來在我傍有何三老公卒來在我傍負拵被裘似非恒  
人謂卿云何困苦以自怨惶惶所欲來到此間歌以言

志有何三老公

解二

我居崑崙山所謂者真人我居崑崙

山所謂者真人道深猶可得名山歷觀遨遊八極枕石  
漱流飲泉沈吟不決遂上升天歌以言志我居崑崙山

三解

去去不可追長恨相牽攀去去不可追長恨相牽攀

夜夜安得寐惆悵以自憐正而不譎辭賦依因經傳所

過西來所傳歌以言志去去不可追

四解 猶一作有辭一作乃

願登泰華山神人共遠遊願登泰華山神人共遠遊經

歷崑崙山到蓬萊飄飄八極與神人俱思得神藥萬歲

為期歌以言志願登泰華山

一解

天地何長久人道居之

短天地何長久人道居之短世言伯陽殊不知老亦松

王喬亦云得道得之未聞庶以壽考歌以言志天地何

長久

二解

明明日月光何所不光昭明明日月光何所不

光昭二儀合聖化貴者獨人不萬國率土莫非王臣仁

義為名禮樂為榮歌以言志明明日月光

三解

四時更逝

去晝夜以成歲四時更逝去晝夜以成歲大人先天而

天弗違不歲年往憂世不治存亡有命慮之為蚩歌以

言志四時更逝去

四解

戚戚欲何念歡笑意所之戚戚欲

何念歡笑意所之壯盛智慧殊不再來愛時進趨將以

惠誰汎汎放逸亦同何為歌以言志戚戚欲何念

五解  
右二



曲魏晉  
樂所奏

同前三首

魏文帝

堯任舜禹當復何為百獸率舞鳳皇來儀得人則安失  
人則危唯賢知賢人不易知歌以詠言誠不易移鳴條  
之後萬舉必全明德通靈降福自天

右曲一作  
歌魏德

朝與佳人期日夕殊不來嘉肴不嘗旨酒停杯寄言飛  
鳥告余不能俯折蘭英仰結桂枝佳人不在結之何為  
從爾何所之乃在大海隅靈若道言貽爾明珠企予望

之步立躊躇佳人

不來何得斯須  
右曲一作佳人期

汎汎綠池中有浮萍寄身流波隨風靡傾芙蓉含芳菡  
萏垂榮朝采其實夕佩其英采之遺誰所思在庭雙魚  
比目鴛鴦交頸有美一人婉如清揚知音識曲善為樂

方

右曲一作浮萍篇有  
美四句又見善哉行

同前

七首本集題云  
重作四言詩

晉嵇康

富貴尊榮憂患諒獨多富貴尊榮憂患諒獨多古人所  
懼豐屋蔀家人害其上獸惡網羅惟有貧賤可以無他

歌以言之富貴憂患多

貧賤易居貴盛難為工貧賤易居貴盛難為工耻佞直言與禍相逢變故萬端俾吉作凶思牽黃犬其計莫從

歌以言之貴盛難為工

其計莫從樂府作其莫之從

勞謙寡悔忠信可久安勞謙寡悔忠信可久安天道害盈好勝者殘彊梁致災多招禍患欲得安樂獨有無憊

歌以言之忠信久安

害一作惡多下一有事字

役神者弊極欲疾枯役神者弊極欲疾枯顏回短折不

金史卷之八十八  
卷十八  
及童烏縱體淫恣莫不早徂酒色何物今目不辜歌以  
言之酒色令人枯

絕智弃學遊心於玄默絕智弃學遊心於玄默遇過而  
悔當不自得垂釣一壑所樂一國被髮行歌和者四塞  
歌以言之遊心於玄默

思與王喬棄雲遊八極思與王喬棄雲遊八極凌厲五  
岳忽行萬億授我神藥自生羽翼呼吸太和鍊形易色

歌以言之思行遊八極

之下  
一無思字

徘徊鍾山息駕於層城徘徊鍾山息駕於層城上蔭華  
蓋下采若英受道王母遂升紫庭逍遙天衢千載長生  
歌以言之徘徊於層城

同前

二首後首題云和秋  
胡一云和班氏詩

晉傅玄

秋胡子娶婦三日會行仕宦既享顯爵保茲德音以祿  
顯親韞此黃金覩一好婦採桑路傍遂下黃金誘以逢  
卿玉麈逾潔蘭動彌馨源流潔清水無濁波奈何秋胡  
中道懷邪美此節婦高行魏哉哀哉可愍自投長河

秋胡納令室三日宦他鄉皎皎潔婦姿泠泠守空房燕  
婉不終夕別如參與商憂來猶四海易感難可防人言  
生日短愁者苦夜長百草揚春華攘腕採桑素手尋  
繁枝落葉不盈筐羅衣翳玉體回目流綵章君子倦仕  
歸車馬如龍驤精誠馳萬里既至兩相忘行人悅令顏  
借息此樹傍誘以逢卿喻遂下黃金裝烈烈貞女忿言  
辭厲秋霜長驅及居室奉金升北堂母立呼婦來歡情  
樂未央秋胡見此婦惕然懷探湯負心豈不慙永誓非

所望清濁必異源鳬鳳不並翔引身赴長流果哉潔婦

腸彼夫既不淑此婦亦太剛

至一作去  
借一作情

同前

陸機

道雖一致塗有萬端吉凶紛藹休咎之源人鮮知命命  
未易觀生亦何惜功名所歎

同前

九首集云秋胡詩  
文選不在樂府

宋顏延之

椅梧傾高鳳寒谷待鳴律影響豈不懷自遠每相匹婉  
彼幽閒女作嬪君子室峻節貫秋霜明豔侔朝日嘉運

既我從欣願自此畢

燕居未及好良人顧有違脫巾千里外結綬登王畿戒  
徒在昧旦左右來相依驅車出郊郭行路正威遲存為

久離別沒為長不歸

好五臣  
作數

嗟余怨行後三陟窮晨暮嚴駕越風寒解鞍犯霜露原  
隰多悲涼迴飈卷高樹離獸起荒蹊驚鳥縱橫去悲哉  
遊宦子勞此山川路

超遙行人遠宛轉年運徂良時為此別日月方向除孰



知寒暑積僂俛見榮枯歲暮臨空房涼風起坐隅寢興

日已寒白露生庭蕪

時五臣作人

勤役從歸願反路遵山河昔辭秋未素今也歲載華蠶月歡時暇桑野多經過佳人從所務窈窕援高柯傾城

誰不顧弭節停中阿

歡一作觀

年往誠思勞路遠濶音形雖為五載別相與昧平生捨車遵往路鳬藻馳目成南金豈不重聊自意所輕義心多苦調密比金玉聲

高節難久淹竭來空復辭遲遲前途盡依依造門基上  
堂拜嘉慶入室問何之日暮行采歸物色桑榆時美人  
望昏至慙歎前相持

采一作來

有懷誰能已聊用申苦難離居殊年載一別阻河關春  
來無時豫秋至恒早寒明發動愁心閨中夜長歎慘悽

歲方晏日落遊子顏

難補註作艱  
夜一作起

高張生絕絃聲急由調起自管枉光塵結言固終始如  
何久為別百行慙諸已君子失明義誰與偕沒齒愧彼

行露詩甘之長川汜

心一作言

同前 二首

宋謝惠連

春日遲遲桑何萋萋紅桃含妖綠柳舒萬邂逅聚者遊

渚戲蹊華顏易改良願難諧

遊一作遵

繫風捕影誠知不得念彼奔波意慮迴惑漢女修忽洛  
神飄揚空勤交甫徒勞陳王

同前

七首題云和海王殿下詠秋胡妻不云樂府

齊王融

日月共為照松筠俱以貞佩分甘自遠結鏡待君明日

協金蘭好方愉琴瑟情佳人忽千里空閨積思生

空一作幽

景落中軒坐悠悠望城闕高樹升夕煙曾樓滿初月光

陰非或異山川屢難越輟泣拵鉉姿搔首亂雲髮

傾魄屬徂火搖念待方秋涼氣承宇結明熠條堦流三

星亦虛映四屋慘多愁思君如萱草一見乃忘憂

杼軸鬱不諧契濶迷新故朔風欄上發寒鳥林間度客

遠乏衣裘歲晏饒霜露參差興別緒依遲起離慕

杼軸一作

袷袖連  
一作連

願言如可信行邁亦云反睇景不告勞瞻途寧遽遠何  
以淹歸轍蠶妾事春晚送目亂前華馳心迷舊婉

椒佩容有結振芳岐路隅黃金徒以賦白珪終不渝明

心良自皎安用久踟躕過車及粉巷流日下西虞


日一作日

披帷悵有望出門遲所欲彼美復來儀慙顏變欣矚蘭

艾隔芳猶涇渭分清濁去去夫人子請徇川之曲

悵一作悵

猶一作  
作與



古樂苑卷十八